

20 Ser. Lat. 506 [Schynker]

VD16

Continentur hoc opere

Sententiæ generales lib. j.

Apophthegmata lib. ij.

Parabolæ seu Similia lib. iij.

Piæ sententiæ lib. iiij

Sententiæ variorum auct.

Appendix ex Apophtheg. Eras. } lib. v.

Sententiæ et similia ex Demost. }

De doctrina Philosophorum }

Iacotij Vandoperani docta com. } lib. vj.

mentatio ex Cicerone. }

32.1819





## Typographi studiosis eloquentiæ, S.



T VOBIS probaremus adolescentes studiosi, nihil nos habere quidquam antiquius, quam ut uestris utilitatibus, labore nostro typographico seruiamus, ut opibus eloquentiæ uos sedulo augeamus, en alterum uobis Thesaurum ad eam rem ualde accommodatum, exhibemus. Dedimus enim nuper eum, quem contextendarum epistolarum uocant; nunc damus, quem insigniorum sententiarum thesaurum optimè quoque inscribi posse iudicauimus. Ex hoc utroque ad eloquentiam, qua nihil laudabilius uel præstantius, bene constituendam, & magnas opes colligetis, & firma præsidia parabitis. Eloquētia enim quoniam uerbis debet esse grandis, sententijs sapiens, utroque genere grauis, ex altero quidem puras ac certas loquendi formulas ac phrasas, tanquam picturatos flosculos decerpētis. ex hoc uero prudentes, graues & quibuslibet rebus accommodatas sententijs quasi clarissimas gemmas eruetis. quibus dum uostræ exercitia & epistolaria & declamatoria illuminabitis, maximam ijs cum uenustatem tum dignitatem afferetis. Hos itaque Thesauros tam pretiosos in unum quasi corpus simul colligatos, in sinu semper gestate, uobiscum circumferte, & ut auari solent pecuniarum suarum thesauros, assidue perlustrate, uoluite, reuoluite, numerate: ut tandem nulla usquam subsit moneta, quā non in numerato ac promptu habeatis. Quod ut maiore cum auiditate faceretis, priores nos hunc totum censum ita percensuimus, ut quidquid aliorum impressorum incuria subrepisset adulterinum, magna cura adhibita, sustulerimus. ea diligentia omnem rubiginem prius contractam defricuimus, ut nihil in eo tale reliquū esse factum existimemus. Quam operam, si paruo ære redimentes, uobis non ingratham esse testabimini, & nos uicissim fructum illius operæ & maximum & uberrimum a uobis percepisse, confitebimur. Valete.



PETRVS LAGNERIVS  
LECTORI.



VVM omnis oratio sententijs  
quàm uerbis debeat esse ornati-  
or, sitq; elaborandum magis, ut  
sententiarum grauitate, quam lu-  
ce uerborum commendetur ora-  
tio: istud ego ferre diutius non  
potui, cum tam multi lectioni Ciceronianæ et dictio-  
ni essent addicti, illustres eius sententias negligi: cū  
nō modo bene dicendi, sed multo etiā magis bene ui-  
uendi ratio ab auctoribus petenda sit. Non enim no-  
bis acuenda solum, aut procudenda lingua est, sed  
complendum etiam pectus plurimarum grauissima-  
rumq; artium cognitione & scientia, ne strepitus  
ille uerborum, uel ornatissimorum, & sonitus inanis  
rideatur. Ut enim non admodum capitur legentis  
animus sententiarū subtilitate, si est orationis sic-  
citas: sic nec flumine inanium uerborum admodum  
commouetur, ubi nulla subest sententia. Præclarè  
igitur & grauiter Cicero, Composite & apte sine  
sententijs dicere, insania est: sententiosè autem sine  
uerborum ordine & modo, infantia. Nos itaq; cū ui-  
deremus quā plurimos plurima esse conatos, quibus  
ad Ciceronis lectionē excitetur magis, et inuitetur  
iuuētus: nec hoc quidem alienū studijs nostris duxi-  
mus, aliquot tibi ex eo auctore sententias seligere,  
quibus



quibus tanquam stellis notaretur & illuminaretur oratio tua. Habes etiam à nobis eadem cura & studio, selecta illustriū & clarorum virorum Apophthegmata, Similia, & Parabolas aliquot: etiam eas Sententias, quæ nobis proxime ad pietatem, religionemq; Christianam uidebantur accedere. Quæ nos omnia raptim, diligenter tamen, collegimus: multa etiam consultò omisimus, ne auctorem ipsum potius transcripsisse, quàm ex præcipuis, quæ præcipua essent, selegisse uideamur: aliquid non nunquam, sed rarò, addentes de nostro, interdum etiam nonnihil immutantes, quò tibi plenior esset & apertior oratio. Hunc nostrum qualemcunq; laborem si probari audierimus, magnum satis ac uberem fructum nostrorum laborum percepisse uidebimur, ad grauiora etiam fortasse excitabimur. Vale.

#### AD EVNDEM.

Ne nos idem sæpius repetamus, quod pluribus locis commodissimè possumus, id in eum locum, qui maxime proprius uidetur, reiecimus, adiecto Sèntentiarum, Apophthegmatum, Similium, & piarum sententiarum numero. Atq; ne eadem sæpius referamus, quæ in Apophthegmata & Similia plenissimè contulimus, adiecto principio, quod reliquum est, suo loco disquirendum reliquimus. Iterum Vale.